



ZAPISNIK O RADU 14. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 02.12.2021. GODINE

Broj: 01-GV-02-1577/21
Sarajevo, 02.12.2021. godine

Prisutni:

1. Mirela Džehverović, zamjenica predsjedavajućeg Gradskog vijeća
2. Dragan Stevanović, zamjenik predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
8. Enisa Spahić, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Jasmin Skorupan, zamjenik predsjedavajući Kluba gradskih vijećnika „Korora/Skorupan“
11. Seid Škaljić predsjedavajući Kluba gradskih vijećnika „Narodni evropski savez (NES) - Željko Majstorović“

Odsutni: Jasmin Ademović, predsjedavajući Gradskog vijeća (najavljen izostanak) i Mila Eminović Rizvanović, sekretar Gradskog vijeća (najavljen izostanak).

U odsutnosti Jasmina Ademovića, predsjedavajućeg Gradskog vijeća sjednicom je, u skladu sa članom 33. stav 2. i člana 35. stav 3. Poslovnika Gradskog vijeća Grada Sarajeva, predsjedavala **Mirela Džehverović, zamjenica predsjedavajućeg Gradskog vijeća.**

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Mirela Džehverović, zamjenica predsjedavajućeg Gradskog vijeća je otvorila sjednicu u 15.07 sati, pozdravila prisutne, te konstatovala kvorum za punovažan rad i odlučivanje.



Na prijedlog **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, bez rasprave, jednoglasno, **usvojio je** Zapisnik o radu 13. sjednice Kolegija Gradskog vijeća, održane 02.11.2021. godine.

Na prijedlog **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, bez rasprave, jednoglasno, **usvojio je** dnevni red 14. sjednice Kolegija Gradskog vijeće, tako da glasi:

1. Utvrđivanje Prijedloga Programa rada Gradskog vijeća Grada Sarajeva za 2022. godinu
2. Priprema za održavanje 10. sjednice Gradskog vijeća Grada Sarajeva
3. Informacija o činjenicama navedenim u Zahtjevu za poništenje postupka nabavke „Izvođenje radova“ na zatvaranje terase bazena Otoka broj: 02-1-971/21 od 05.10.2021. godine
4. Razmatranje inicijativa
5. Tekuća pitanja

Ad1)

Utvrđivanje prijedloga Programa rada Gradskog vijeća Grada Sarajeva za 2022. godinu

U uvodnim napomenama, **Mirela Džehverović, zamjenica predsjedavajućeg Gradskog vijeća** je upoznala članove Kolegija Gradskog vijeća da je uz poziv za današnju sjednicu dostavljen radni materijal za utvrđivanje Prijedloga Programa rada Gradskog vijeća Grada Sarajeva za 2022. godinu sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2022. godinu.

Istakla je da je Prijedlog Programa rada Gradskog vijeća Grada Sarajeva za 2022. godinu rezultat rada, uglavnom, radnih tijela Gradskog vijeća i Gradonačelnice u posljednja tri mjeseca, te podsjetila da teme koje su predložene, većinom proizilaze iz Statutarnih i zakonskih obaveza, te obaveza iz gradskih propisa.

Također, istakla je da su obrađene sve primjedbe, prijedlozi i sugestije dostavljene u javnoj raspravi, da se, u radnom materijalu, u najvećoj mjeri, uvažavaju prijedlozi radnih tijela i Gradonačelnice, te da se Kolegij Gradskog vijeća, utvrđivanjem Prijedloga Programa rada kakav je dostavljen u radnom materijalu, u funkciji ovlaštenog predlagача materijala, određuje i o mišljenjima pristiglim u javnoj raspravi o Nacrtu Programa.

Zatim je najavila da će se Kolegij Gradskog vijeća, prije rasprave o Prijedlogu Programa rada, odrediti o određenim pitanjima, a vezano za ranija opredjeljenje Kolegija i Gradskog vijeća.

Mirela Džehverović, zamjenica predsjedavajućeg Gradskog vijeća je podsjetila članove Kolegija da bi 10. sjednica Gradskog vijeća trebala biti posljednja sjednica u ovoj godini, te da Kolegij Gradskog vijeća, na današnjoj sjednici treba napraviti i rezime realizacije Programa rada Gradskog vijeća Grada Sarajeva za 2021. godinu, na način da:

- Utvrdi teme programirane za decembar mjesec tekuće godine, za koje je izvjesno da će se razmatrati u decembru.

- Odredi se o temama koje su bile programirane za 2021. godinu i koje do decembra 2021. godine nisu realizovane, a kako bi se uvrstile u Prijedlog Programa rada Gradskog vijeća Grada Sarajeva za 2022. godinu.
- Utvrdi i koje su to teme predložene za 2022. godinu realizovane poslije pripreme ovog materijala - na sjednici Gradskog vijeća održanoj dana 01.12.2021. godine, odnosno za koje teme je izvjesno da će biti realizovane u decembru mjesecu, te će ove teme biti izostavljene iz Prijedloga Programa rada Gradskog vijeća Grada Sarajeva za 2022. godinu.

Zatim je konstatovano, odnosno zaključeno sljedeće:

Prijedlog Programa rada Gradskog vijeća Grada Sarajeva za 2022. godinu, čiji je predlagač Kolegij Gradskog vijeća, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Izveštaj o stanju u državnoj službi u Gradu Sarajevu prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Odluka o korištenju i održavanju uređenih vodotoka, prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća obzirom da je Odluka predložena u Programu rada Gradskog vijeća Grada Sarajeva za 2022. godinu, za razmatranje u redovnom postupku.

Prijedlog Budžeta Grada Sarajeva za 2022. godinu, prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Prijedlog Odluke o izvršavanju Budžeta Grada Sarajeva za 2022. godinu, prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Izveštaj o korištenju sredstava tekuće rezerve, prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Prijedlog Odluke o davanju saglasnosti na Programa obilježavanja 6. aprila Dana Grada Sarajeva u 2022. godini, prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Prijedlog Programa međunarodne saradnje Grada Sarajeva za 2022. godinu, čiji je predlagač Komisija za međunarodnu saradnju Gradskog vijeća, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Informacija o provođenju Plana djelovanja za mlade Grada Sarajeva, prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Informaciju je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti **januar**.

Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2022. godinu prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Izvještaj o saradnji i odnosima Grada Sarajeva s nacionalnim manjinama prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo, prema informaciji Gradonačelnice, **spremna je** i očekuje se da će biti uvrštena u prijedlog dnevnog reda 10. sjednice Gradskog vijeća.

Informacija o privrednoj saradnji Grada Sarajeva sa pobratimskim i partnerskim gradovima, prema informaciji Gradonačelnice, **spremna je** i očekuje se da će biti uvrštena u prijedlog dnevnog reda 10. sjednice Gradskog vijeća.

Informacija o aktivnostima na pokretanju izrade novog Akcionog plana rodne ravnopravnosti i ravnopravnosti spolova u Gradu Sarajevu, prema informaciji Gradonačelnice, **nije spremna**, ali se očekuje da se u prijedlog dnevnog reda 10. sjednice Gradskog vijeća uvrsti **Nacrt Odluke o usvajanju Akcionog plana rodne ravnopravnosti Grada Sarajeva** (Akcioni plan će biti u prilogu Odluke).

Nacrt Odluke o podizanju spomen obilježja „Kralju Tvrtku I Kotromaniću”, prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća obzirom da je Odluka predložena u Programu rada Gradskog vijeća Grada Sarajeva za 2022. godinu za razmatranje u redovnom postupku.

Prijedlog Odluke o finansiranju neprofitnih organizacija, prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća obzirom da je Gradonačelnica na Devetoj sjednici Kolegija Gradskog vijeća održanoj 05.10.2021. godine obrazložila da ne postoji potreba za donošenjem ove odluke, u ovom momentu.

Prijedlog Odluke o davanju saglasnosti na Program aktivnosti Informativnog centra o međunarodnom krivičnom sudu za bivšu Jugoslaviju Sarajevo za obilježavanje datuma od značaja za očuvanje sjećanja na žrtve ratnih zločina i borbu protiv kršenja međunarodnog humanitarnog prava prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća. Prijedlog Odluke je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **kada se steknu uslovi**.

Prijedlog Projekta izgradnje centralnog spomen obilježja svim poginulim braniteljima opkoljenog Sarajeva 92. - 95., prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća. U Programu rada Gradskog vijeća Grada Sarajeva za 2022. godinu planirati Informaciju o toku priprema za realizaciju Projekta izgradnje centralnog spomen obilježja svim poginulim braniteljima opkoljenog Sarajeva 92. - 95., a kao rok za razmatranje navesti: **kada se steknu uslovi**.

Politika Grada Sarajeva za mandatni period, prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Politiku

Grada Sarajeva za mandatni period je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **kada se steknu uslovi**.

Prijedlog Odluke o uslovima i načinu dodjele „Šestoaprilske nagrade Grada Sarajeva“ prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Prijedlog Projekta izgradnje memorijalnog centra „Žuč“ prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća. U Programu rada Gradskog vijeća Grada Sarajeva za 2022. godinu planirati Informaciju o toku priprema za realizaciju Projekta izgradnje memorijalnog centra „Žuč“, a kao rok za razmatranje navesti: kada se steknu uslovi.

Prijedlog Mjera koje će Grad Sarajeva u saradnji s nadležnim organima Kantona Sarajevo poduzeti s ciljem efikasne zaštite od infekcije virusom COVID-19, prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća. Prijedlog Mjera je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: kada se steknu uslovi.

Nacrt Strategije razvoja Grada Sarajeva 2021.-2027. godine, prema informaciji Gradonačelnice, **spreman je** i očekuje se da će biti uvršten u prijedlog dnevnog reda 10. sjednice Gradskog vijeća.

Informacija o stanju romske populacija na području grada Sarajeva u doba pandemije prema informaciji Gradonačelnice, **spremnna je** i očekuje se da će biti uvrštena u prijedlog dnevnog reda 10. sjednice Gradskog vijeća.

Informacija o rodno zasnovanom nasilju i promociji rodne ravnopravnosti za dvije različite ciljne grupe (adolescente i odrasle), prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Informaciju je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **kada se steknu uslovi**.

Izveštaj o izvršenoj reviziji izvršenja nalaza upravne inspekcije, svih općih i pojedinačnih akata organa Grada Sarajeva donesenih u periodu mandata organa Grada Sarajeva 2016. - 2020. godina, a koji se odnose na organizaciju i djelokrug organa uprave i drugih službi u Gradu Sarajevu, unutrašnju organizaciju i sistematizaciju radnih mjesta, radne odnose u organima uprave i drugim službama Grada Sarajeva, te ostvarivanju prava iz radnog odnosa, prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća. Izveštaj je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: kada se steknu uslovi.

Informacija o stanju u oblastima iz samoupravnog djelokruga Grada Sarajeva sa prijedlogom mjera i aktivnosti koje bi Grad Sarajevo preduzeo s ciljem poboljšanja stanja, a koje uključuju i izmjene ili usklađivanja, odnosno donošenje određenih gradskih propisa, prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Informaciju je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: kada se steknu uslovi, a prije razmatranja Nacrta Statuta Grada Sarajeva.

Informacija o stanju u oblastima iz djelokruga prenesenog Gradu Sarajevu zakonima drugih vlasti sa prijedlogom mjera i aktivnosti koje bi Grad Sarajevo preduzeo s ciljem poboljšanja stanja a koje uključuju i izmjene ili usklađivanja, odnosno donošenje određenih gradskih propisa prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Informaciju je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **kada se steknu uslovi, a prije razmatranja Nacrta Statuta Grada Sarajeva**

Informacija o izvršenoj reviziji svih projekata Grada Sarajeva koji su u toku sa procjenom njihove usklađenosti sa statutarnim nadležnostima Grada Sarajeva i opravdanosti uzimajući u obzir interese građana grada Sarajeva, prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Informaciju je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **kada se steknu uslovi**.

Informacija o stanju lokalne samouprave u Kantonu Sarajevo sa posebnim osvrtom na poziciju Grada Sarajeva, prema informaciji Gradonačelnice, **nije spremna** i neće biti uvrštena u prijedlog dnevnog reda 10. sjednice Gradskog vijeća. Informaciju je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **kada se steknu uslovi, a prije razmatranja Nacrta Statuta Grada Sarajeva**.

Izveštaj o izvršenoj reviziji finansijskih izvještaja Gada Sarajeva za period mandata organa Gada Sarajeva 2016.-2020. godina, s prijedlogom mjera i aktivnosti, prema informaciji Gradonačelnice, **nije spreman** i neće biti uvršten u prijedlog dnevnog reda 10. sjednice Gradskog vijeća. Izveštaj je potrebno planirati u Programu rada Gradskog vijeća Grada Sarajeva za 2022. godinu, a kao rok za razmatranje navesti: **maj**.

Prijedlog Odluke o izmjenama i dopunama Poslovnika Gradskog vijeća Grada Sarajeva **nije spreman** i neće biti uvršten u prijedlog dnevnog reda 10. sjednice Gradskog vijeća obzirom da je Poslovnik Gradskog vijeća Grada Sarajeva predložen u Programu rada Gradskog vijeća Grada Sarajeva za 2022. godinu za razmatranje u redovnom postupku.

U raspravi koja je uslijedila učestovali su članovi Kolegija **Toni Vukadin, Vedad Deljković i Vedran Dodik**, a pojašnjenja i odgovore na pitanja dala je **Mirjana Đanović Stanić**, rukovodilac Stručne službe za poslove Gradskog vijeća.

Mirela Džehverović, zamjenica predsjedavajućeg Gradskog vijeća je upoznala članove Kolegija da se, u skladu sa inicijativama radnih tijela Gradskog vijeća, očekuje da u dnevni red 10. sjednice Gradskog vijeća budu uvršteni i **Prijedlog Odluke o radnom vremenu u Gradu Sarajevu i Prijedlog Odluke o pečatima Grada Sarajeva**.

Benamina Karić, gradonačelnica Grada Sarajeva je informisala Kolegij Gradskog vijeća da će navedene odluke biti pripremljene, te da se mogu očekivati u prijedlogu dnevnog reda 10. sjednice Gradskog vijeća.

U raspravi koja je uslijedila učestovao je **Dragan Stevanović, zamjenik predsjedavajućeg Gradskog vijeća**.

Nakon rasprave, na prijedlog **Mirele Džehverović, zamjenice predsjedavajućeg Gradskog vijeća** Kolegij Gradskog vijeća, jednoglasno, **je usvojio** sljedeći **zaključak**:

Zadužuje se Stručna služba za poslove Gradskog vijeća da izradi tekst Prijedloga Programa rada Gradskog vijeća Grada Sarajeva za 2022. godinu sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2022. godine, u skladu sa opredjeljenjima Kolegija Gradskog vijeća sa danas održane sjednice, a koji će se uputiti Gradskom vijeću Grada Sarajeva na razmatranje uz akt Kolegija, kojim Kolegij utvrđuje Prijedlog Programa rada Gradskog vijeća Grada Sarajeva za 2022. godinu.

Na prijedlog **Mirele Džehverović, zamjenice predsjedavajućeg Gradskog vijeća** Kolegij Gradskog vijeća, jednoglasno, **je usvojio** sljedeći **zaključak**:

Utvrđuje se Prijedlog Programa rada Gradskog vijeća Grada Sarajeva za 2022. godinu sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2022. godinu i upućuje se Gradskom vijeću Grada Sarajeva na razmatranje (utvrđeni Prijedlog Programa je u prilogu ovog zaključka).

Ad2)

Priprema za održavanje 10. sjednice Gradskog vijeća Grada Sarajeva

a) Termin održavanja 10. sjednice i dinamika aktivnosti u pripremi 10. sjednice Gradskog vijeća

U raspravi o terminu održavanja 10. sjednice Gradskog vijeća učestovali su **članovi Kolegija Gradskog vijeća Enisa Spahić i Vedad Deljković.**

Nakon rasprave, i sažetka **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, jednoglasno, **usvojio je** sljedeći **zaključak**:

- Deseta sjednica Gradskog vijeća će se održati u **srijedu 29.12.2021. godine** u Vijećnici sa početkom u **10,00 h**;
- Predlagači će materijale dostaviti Predsjedavajućem najkasnije do **srijede 08.12.2021. godine**, a Prijedlog Budžeta Grada Sarajeva za 2022. godinu i Prijedlog Odluke o izvršavanju Budžeta Grada Sarajeva za 2022.godinu najkasnije u **ponedjeljak 20.12.2021. godine**;
- Pozivi za sjednice radnih tijela bit će upućeni u **četvrtak 09.12. i petak 10.12.2021. godine**;
- Sjednice radnih tijela će se održavati počev od **ponedjeljka 13.12.2021. godine**;
- Pozivi gradskim vijećnicima za Desetu sjednicu će se uputiti najkasnije u **srijedu 22.12.2021. godine.**

b) Mogući prijedlog dnevnog reda 10. sjednice Gradskog vijeća Grada Sarajeva

Mirela Džehverović, zamjenica predsjedavajućeg Gradskog vijeća je konstatovala da bi mogući prijedlog dnevnog reda 10. sjednice Gradskog vijeća mogao glasiti:

1. Prijedlog Programa rada Gradskog vijeća Grada Sarajeva za 2022. godinu
2. Prijedlog Budžeta Grada Sarajeva za 2022. godinu
3. Prijedlog Odluke o izvršavanju Budžeta Grada Sarajeva za 2022. godinu
4. Prijedlog Programa međunarodne saradnje Grada Sarajeva za 2022. godinu
5. Prijedlog Programa podizanja spomenika od značaja za Grad Sarajevo kojima je Grad Sarajevo investitor za 2022. godinu

6. Prijedlog Odluke o uslovima i načinu dodjele „Šestoaprilske nagrade Grada Sarajeva“;
7. Prijedlog Odluke o pečatima Grada Sarajeva (*skraćeni postupak*)
8. Prijedlog Odluke o radnom vremenu u Gradu Sarajevu (*skraćeni postupak*)
9. Prijedlog Odluke o davanju saglasnosti na Programa obilježavanja 6. Aprila Dana Grada Sarajeva u 2022. godini
10. Izvještaj o stanju u državnoj službi u Gradu Sarajevu
11. Izvještaj o saradnji i odnosima Grada Sarajeva s nacionalnim manjinama
12. Izvještaj o korištenju sredstava tekuće rezerve
13. Nacrt Strategije razvoja Grada Sarajeva 2021. - 2027. godina
14. Nacrt Odluke o usvanjanju Akcionog plana rodne ravnopravnosti Grada Sarajeva
15. Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo
16. Informacija o privrednoj saradnji Grada Sarajeva sa pobratimskim i partnerskim gradovima
17. Informacija o stanju romske populacije na području grada Sarajeva u doba pandemije
18. Vijećnička pitanja i inicijative

c) Novi prijedlozi

Benamina Karić, gradonačelnica Grada Sarajeva je iznijela i obrazložila nove prijedloge, koji bi se trebali uvrstiti u prijedlog dnevnog reda 10. sjednice Gradskog vijeća, i to kako slijedi.

- **Prijedlog Odluke o standardima i kriterijima za izbor i imenovanje Pravobranioca Pravobranilaštva Grada Sarajeva** uz obrazloženje da se o ovoj temi raspravljalo na Devetoj sjednici Gradskog vijeća, te je donošenje ove odluke bitan preduslov, kako bi se raspisao javni oglas za izbor i imenovanje Pravobranioca Grada Sarajeva.

U raspravi koja je uslijedila o proceduri izbora i imenovanja Pravobranioca Grada Sarajeva učestvovali su članovi Kolegija **Adi Škaljić, Vedad Deljković, Seid Škaljić i Muamer Mekić.**

- **Prijedlog Odluke o davanju ovlaštenja za vršenje funkcije Pravobranioca Grada Sarajeva** uz obrazloženje da na Devetoj sjednici Gradskog vijeća nije izvršen izbor pravobranioca Grada Sarajeva, te da je ranijom Odlukom o davanju ovlaštenja dato ovlaštenje bilo ograničeno okončanjem oglasne procedure po ranije objavljenom oglasu u „Službenim novinama Federacije Bosne i Hercegovine“, broj 77/21, te je neophodno donijeti novu Odluku.
- **Prijedlog Odluke o dopuni Odluke o pečatima i žigovima** uz obrazloženje da osnovni razlog za donošenje ove odluke leži u činjenici da je donošenjem nove Odluke o organizaciji i djelokrugu organa uprave Grada Sarajeva došlo do formiranja novih stručnih službi, a što je Odlukom potrebno i precizirati radi pravilne upotrebe i korištenja pečata Grada Sarajeva.
- **Prijedlog Odluke o davanju saglasnosti za pristupanje projektu rekonstrukcije dječijeg igrališta u ulici Trg Grada Prato.**

Benamina Karić, gradonačelnica Grada Sarajeva je upoznala članove Kolegija Gradskog vijeća da je na sastanku sa **Semirom Efendićem, načelnikom Općine Novi Grad**, na kojem je prisustvovao i **gradski vijećnik Adi Škaljić**, dogovoreno zajedničko učešće Grada Sarajeva i Općine Novi Grad Sarajevo u realizaciji projekta rekonstrukcije dječijeg igrališta

u ulici Trg Grada Prato, u naselju Dobrinja. Dogovoreno je da Grad Sarajevo finansijski podrži realizaciju projekta u iznosu od 30.000,00 KM odnosno 50% od ukupno planiranih sredstva, kao i Općina Novi Grad Sarajevo, te da se očekuje da se projekat realizuje do kraja aprila naredne godine.

- **Prijedlog Odluke o podizanju Spomen ploče „Zelene beretke“ (lokalitet Trebevičke žičare - dolazna stanica)** uz obrazloženje da je u predhodnom mandatu Gradsko vijeće Grada Sarajeva na 35. sjednici donijelo Zaključak kojim je Nacrt Odluke o podizanju Spomen- ploče poginulim pripadnicima Zelenih beretki pri akciji oslobađanja kote 1162 - Vidikovac uputilo u javnu raspravu, te je javna rasprava provedena, ali je podnosilac inicijative Udruženje „Bosnae-Zelene beretke“ odustao od inicijative obzirom da u Idejnom rješenju nije udovoljeno njihovom zahtjevu za lokaciju i dimenzije spomen ploče. Udruženje „Bosnae- Zelene beretke“ je ponovo uputilo Inicijativu za postavljanje Spomen-ploče, te će Komisiji za spomenike Gradskog vijeća, kao ovlaštenom predlagачu, biti upućen tekst Prijedloga Odluke o podizanju Spomen ploče „Zelene beretke“ (lokalitet Trebevičke žičare - dolazna stanica).
- **Prijedlog Odluke o davanju saglasnosti za pridruživanje spomen sobe posvećene ubijenoj djeci opkoljenog Sarajeva JU „Gradski muzeji“ Sarajevo**, uz obrazloženje da Udruženje roditelja ubijene djece opkoljenog Sarajeva realizuje projekat spomen sobe posvećene ubijenoj djeci opkoljenog Sarajeva, da je Općina Centar Sarajevo ustupila prostor za spomen sobu za 1 KM, a kako bi se obezbijedio opstanak projekta predlaže se da se spomen soba pridruži JU „Gradski muzeji“, kao i da Grad Sarajevo snosi režijske troškove.

Na kraju je **Benamina Karić, gradonačelnica Grada Sarajeva** upoznala članove Kolegija Gradskog vijeća da je potrebno donijeti **Odluku o preraspodjeli sredstava koja su planirana za doček Nove godine**, te iznijela svoj prijedlog da se sredstva planirana u Budžetu Grada Sarajeva za 2021. godinu za Doček Nove godine u iznosu od 50.000,00 KM preusmjere za liječenje oboljele djece obzirom da je Gradsko vijeće Grada Sarajeva na Devetoj sjednici održanoj 01.12.2021. godine donijelo zaključak da se javni doček Nove godine u gradu Sarajevu u ovoj godini ne održi odnosno otkaže, a planirana sredstva za ovu namjenu preusmjere u druge korisne svrhe.

U raspravi koja je uslijedila učestvovali su **Dragan Stevanović, zamjenik predsjedavajućeg Gradskog vijeća, Mirela Džehverovića, zamjenica predsjedavajućeg Gradskog vijeća, članovi Kolegija Vedran Dodik, Bajro Biber, Toni Vukadin, Muamer Mekić, Vedad Deljković, Seid Škaljić i Enisa Spahić**, te su se članovi Kolegija Gradskog vijeća saglasili da se donose odluku kojom će se sredstva u jednakim iznosima, od po 25.000,00 KM, preusmjeriti za Udruženje srce za djecu oboljelu od raka i Udruženje Dijabetičara djece i omladine Kantona Sarajevo.

Član Kolegija Gradskog vijeća Vedad Deljković je napustio sjednicu Kolegija u 16.25 sati, radi ranije preuzetih obaveza.

Ad 3)

Informacija o činjenicama navedenim u Zahtjevu za poništenje postupka nabavke „Izvođenje radova“ na zatvaranju terase bazena Otoka broj: 02-1-971/21 od 05.10.2021. godine

Mirela Džehverović, zamjenica predsjedavajućeg Gradskog vijeća je podsjetila članove Kolegija da je Informacija koju je Skupština JP Olimpijski bazen Otoka dostavila, po zahtjevu Kolegija Gradskog vijeća, dostupna uz poziv za sjednicu Kolegija, te predložila da Kolegij Gradskog vijeća Informaciju primi k znanju, a da se o svemu odredi kada dobije i druge informacije koje je Skupština najavila na kraju ove informacije.

Članovi Kolegija su podržali ovaj prijedlog.

Ad 4)

Razmatranje inicijativa

Mirela Džehverović, zamjenica predsjedavajućeg Gradskog vijeća je podsjetila da su uz poziv za današnju sjednicu dostavljene inicijative Gradskog vijeća koje se odnose na realizaciju određenih projekata, a čija realizacija traži angažman određenih finansijskih sredstava.

Istakla je da je cilj ove tačke dnevnog reda da Kolegij Gradskog vijeća djeluje u javnoj raspravi na Nacrt Budžeta Grada Sarajeva za 2022. godinu, tako da se traži planiranje odgovarajućih sredstava, za realizaciju ovih inicijativa koje su postale inicijativama Gradskog vijeća, pa tako imaju prioritet, a u skladu s mogućnostima Grada Sarajeva, te ukoliko za realizaciju određene inicijative Gradskog vijeća bude trebalo izdvojiti značajna sredstva, prijedlog Kolegija bi bio da se takvi projekti pripreme u 2022. godini, a da se za njihovu realizaciju planiraju sredstava u 2023., odnosno 2024. godini.

Prodložila je i da Kolegij Gradskog vijeća uputi prijedlog u javnoj raspravi na Nacrt Budžeta Grada Sarajeva, da se u Budžetu Grada Sarajeva sredstva za realizaciju jedinstvenog projekta „Čista rijeka Miljacka“ koji je usvojen na Devetoj sjednici Gradskog vijeća jasno definišu.

Članovi Kolegija su podržali ove prijedloge.

Ad 5)

Tekuća pitanja

Mirela Džehverović, zamjenica predsjedavajućeg Gradskog vijeća je podsjetila članove Kolegija Gradskog vijeća da je uz poziv za današnju sjednicu dostavljen poziv gradskim vijećnicima da posjete JP „Olimpijski bazen Otoka“ Sarajevo, te predložila da se ova posjeta planira **u srijedu 08.12.2021. godine**, u terminu u kome to dogovori predsjedavajući Gradskog vijeća, te da će o utvrđenom terminu posjete, putem e-maila, članovi Kolegija gradskog vijeća i gradski vijećnici biti obaviješteni.

Na poziv **Mirele Džehverović, zamjenice predsjedavajućeg Gradskog vijeća**, Kolegij Gradskog vijeća, jednoglasno, **je usvojio** sljedeći zaključak:

Gradski vijećnici će posjetiti Olimpijski bazen „Otoka“ **u srijedu 08.12.2021. godine**, u terminu koji dogovori predsjedavajući Gradskog vijeća.

O dogovorenom terminu posjete, članovi Kolegija Gradskog vijeća i svi gradski vijećnici bit će obaviješteni putem e mail-a.

U raspravi koja je vođena vezano za dostavljanje poziva članovima radnih tijela i gradskim vijećnicima za sjednice radnih tijela i Gradskog vijeća učestovali su članovi Kolegija Gradskog vijeća **Jasmin Skorupan i Enisa Spahić** a dodatna pojašnjenja dala je **Mirjana Đanović Stanić, rukovodilac Stručne službe za poslove Gradskog vijeća.**

U raspravi koja je vođena vezano za način i postupak prijema volontera i pripravnika u organe Grada Sarajeva učestovao je **gradski vijećnik Vedran Dodik**, a dodatna pojašnjenja je dala **Benjamina Karić, gradonačelnica Grada Sarajeva.**

Obzirom da pod ovom tačkom dnevnog reda nije bilo novih prijedloga za raspravu, **Mirela Džehverović, zamjenica predsjedavajućeg Gradskog vijeća** je zaključila sjednicu Kolegija Gradskog vijeća u 16.45 sati.

*RUKOVODILAC
STRUČNE SLUŽBE ZA POSLOVE GRADSKO VIJEĆA
(po ovlaštenju sekretara Gradskog vijeća)*

Mirjana Đanović Stanić, s.r.

*ZAMJENICA
PREDSJEDAVALJUĆEG GRADSKOG VIJEĆA*

Mirela Džehverović, s.r.